

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De Clementis operibus & scripturis, quas ille commemorat. Cap. XI.

urn:nbn:de:hbz:466:1-29861

EVSEBII HISTORIAE

quia hoc euangelium inter vos non legatur , animo & voluntate dissideatis , legatur quidem . Verum cum iam intelligam , illos occasione ex iis , quæ ipse tum dicebam , arrepta , in erroris cuiusdam latebras irrepfis se , ad vos denuo venire naturabo . Quare fratres breui me exspectatote . Nos autem fratres , minime nescij ciusnam erroris & sectæ auctor fuerit Marcianus , & quo pacto , dum ea , quæ loquebatur , non intellexit , sibi ipsi repugnauerit (quæ plane ex his , quæ ad vos scripta sunt , facile disceris) simul ac à quibusdam , qui hoc ipsum euangelium usurpat , hoc est , ab his , qui ex eo primum suum duxerunt errorem , quos appellamus δόκτορες , id est opinatores (complures enim & variæ sunt eorum disciplinæ , sensus & sententiaz) sciscitati essemus , poteramus facile animaduertere nonnullas illius euangelij sententias , cum vero rectoque seruatoris verbo consentientes esse , alias autem ab eo diuersas discrepantesque quas hic vestris tanquam oculis ad contemplandum subiecimus . Atque de Serapione hactenus .

*De Clementis operibus & scripturis,
quas ille commemorat.*

CAP. XI.

Clementis omnes octo libri σεωματᾶς , id est , varie contexti , apud nos integri seruantur . quos tali inscriptione donauit . Titi Flavij Clementis commentarij σεωματᾶς , hoc est varia ratione contexti , qui multiplicem veræ ac diuinæ Philosophiæ cognitionem compleantur . Totidem etiam libri sunt ab eo editi , qui ὑποτυθώσεις , id est , informationes inscribuntur : in quibus Pantænū , doctorem & magistrū suum nominatim memorat , cum commentarios eius in sacras literas recensendo , tum traditiones etiam explanando . Est eius liber ad Gentiles hortatorius . Tres item qui inscribuntur , pædagogus . Alius cuius titulus sic habet . Quisnam diues ille sit , qui saluetur . De paschate liber unus . Disputationes de ieiunio . Liber obrectationis . Est præterea liber eius hortatorius ad patientiam . Alius ad

nuper

*Sie Hiero.
ro. in ca-
tal.*



super baptizatos. Alius qui nuncupatur, Canon ecclesiasticus, siue contra eos, qui Iudeorum sequuntur errorem: quem episcopo Alexandro, de quo supra verbis fecimus, dedicauit. In libris *S̄ḡom̄at̄ōp̄*, non modo sententias ex sacra scriptura collectas disperse interxit, sed etiam ex gentilium scriptorum libris, si quid ab illicis commode dictum videatur sumit, cum Ḡecorum simul & Barbarorum opiniones, quae apud multos iactantur sunt, aperiendo, tum falsos & commentitios errores eorum, qui inter haereticos principem locum obtinebant, coarguendo: denique explanationem multiplicis doctrinæ, & literarum cuiusque generis, unde copiosa materia nobis suppetit prudentiæ, ante oculos lectoris proponit. Atque his vniuersis philosophorum dogmata admiscuit. Vnde non sine causa inscriptionem operis, argumento valde consentaneam fecit *S̄ḡom̄at̄ēḡ*. In eisdem octo libris utitur testimonii scripturarum, quibus à multis solet contradici: nimur sapientiæ, quæ Salomonis dicitur, & Ecclesiastici Iesu Sirach, & epistolæ ad Hebræos, & Barnabæ & Clementis, & Iude. Tatiani item librum contra Gentiles citat, & librum Cassiani, quem de temporum ordine conscripsit. Philonis porro, & Aristobuli, Iosephi, & Demetrij, & Eupolemi, Iudeorum scriptorum memoriam non præterit, quippe qui suis scriptis Moysen, & Iudeorum gentem vetere illa prosapia, quæ apud Græcos iastatur, longe antiquorem fuisse perspicue comprostrant. Atque isti Clementis libri, quos iam persecuti sumus, maxima optimarum disciplinarum materia referti sunt. In primo libro eiusdem operis de seipso loquitur, quod prope ad Apostolorum tempora successerit. In eisdem libris commentarios in Genesim se editurum pollicetur. Item in libro illius, quem de paschate composuit, fatetur se à familiaribus suis compulsum, ut traditiones, quas à veteribus presbyteris accepisset, literis proderet ad posteritatem. In eodem libro Melitonem, Irenæum, & alios nonnullos commemorat, narrationesque aliquot ex eorum libris

Q 2
bris

EVSEBII HISTORIAE

1238

bris petitas recenset. In libris *νιωτυδωρεωη*, ut summatim compræhendam, sicut in vniuersas scripturas quæ omnium consentiente auctoritate confirmantur, breves scripsit explicationes: ita neque eas quidem, quæ à multis vocantur in controuersiam, passus est interpretationum suarum expertes esse: Iudæ epistolam dico, & catholicas, & epistolam Barnabæ, & reuelationem, quæ Petri esse dicitur. Epistolam item ad Hebræos scriptam, Pauli esse affirmat: & Hebraico sermone ad Hebræos ab eo editam. Lucam autem eam accurate in Græcum, ut Græcis traderet, conuertisse: illudque plane ex interpretatione ipsa facile intelligi posse, quod epistola & acta Apostolorum idem orationis filum habent: atque hanc inscriptionem, Paulus Apostolus, non sine causa in epistolæ principio fuisse prætermis-
sam. Nam cum Paulus, ad Hebræos epistolam scriberet, quia illi præiudicata animis sententiam, & suspectam opinionem, contra eum eiusq; doctrinam combiberant, nomen consulto admodum non inscripsisse: ne in ipso exordio animos illorum prorsus ab epistolæ lectione auerteret. Deinde longius aliquanto in oratione progressus addit ista. Nam vero, sicut Beatus quidam presbyter dicebat: quoniam Dominus ipse Apostolus patris sui omnipotentis ad Hebræos missus fuit, Paulus quia erat ad gentes missus modeste quidem, cum ad Hebræos scriberet, se Apostolum Hebræorum non inscripsit, partim propter honorem, quem domino Hebræorum Apostolo tribuebat, partim ne cum gentium præco, & Apostolus esset, præter officium ad Hebræos scribere videretur. Rursus Clemens in eisdem libris traditionem de ordine temporum: quibus euangelia scripta erant, à veteribus presbyteris acceptam, ad hunc modum exponit. Euangelia, quæ in se complectuntur genealogias, ante scripta dicuntur. Illud, autem, quod secundum Marcum inscribitur, talem causam habuisse fertur. Cum Petrus Romæ publicè verbum Dei prædicaret, & Spiritus sancti instinctu, Euangelium Christi exponeret, multos, qui præsto, aderant

aderant, Marcum, utpote qui eum diutius comitatus fuisset, & eius verba memoria teneret, magnopere obsecrasse ferunt, ut ea, quæ fuissent ab illo prædicata, scriptis mandaret. Quod quidem euangelium simul ac ediderat, illis, qui illud ab eo rogauiſſent, impertiit. Petrum autem, vbi de eo certior factus erat, euangelium cum ratum fecisse, tum homines ad idem legendum adhortatū. Ioannem vero, utpote sacro sancti spiritus impulsu comotum, postquam intellexit ea, quæ ad corpus & humanitatem Christi spectabant, in illis euangeliis explicata, quorundam familiarium ac necessariorum rogatu, euangelium spirituale post reliquos euangelistas cōſcripſiſſe. Tot extant Clementis opera. Alexander item, de quo supra mentio facta est, Clementis simul & Panteni, velut quibuscum notitia sibi intercessiſſet, in epistola quadam ad Origenem meminit. Sic enim scribit. Hæc, ut scis, voluntas Dei fuit, ut amicitia à maioribus nostris inita, nobis firma & integra permaneret, imò indies fernētior effet, & stabilior. Nam illos beatos patres, qui ante nos viam virtutis sedulò institerunt (ad quos nō multò post nos profecturi sumus) cognouimus: Pantenum dico verè beatum, ac dominum meum, & sanctum Clemētem etiam Dominum meum, qui multum mihi ſæpe commodauit: & si quisquam sit alijs eius generis. Per quos quidem in tuam veni familiaritatē, qui longe optimus & Dominus, & frater mihi es. Atque hæc ita ſe habent.

De eximia Heraclē tum doctrina, tum eloquentia, & de Origenis in sacris literis ſtudio, & Symnacho diuinarum ſcripturarum interprete.

CAP. XII.

ADAMANTIAS (hoc enim erat etiam Origeni nomen) Zephyrino eisdem temporibus Romanam ecclesiā gubernante, scribit ſe Romam propterea iter fuſcepſiſſe, quod ſibi admodum erat in optatis, ecclesiam Rom. plane antiquissimam viſere. Vbi non diu commoratus, Alexandriam reuertitur. Arque ibi conſue-

Q 3 tum do-